

Broj: 01-02-132/21

Sarajevo, 29.03.2021. godine

ZAPISNIK
18.REDOVNE SJEDNICE PREDSTAVNIČKOG DOMA PARLAMENTA FEDERACIJE
BiH, održane 26.01.2021. godine

Online sjednica je počela u 10.04.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Odsustvo sa sjednice opravdali su: Husein Topčagić, Sanela Prašović-Gadžo, Luka Faletar i Elzina Pirić.

Zapisnik 15. redovne sjednice usvojen je bez primjedbi.

Prešlo se na utvrđivanje dnevnog reda.

Ispred Komisije za sigurnost, Damir Mašić, tražio je da se u dnevni red uvrste zaključci Komisije za sigurnost vezano za situaciju uzrokovanu migrantskom krizom u FBiH, a što je sa 67 glasova za, bez glasova protiv i uz dva uzdržana glasa usvojeno.

Prijedlog Vlade FBiH da se Prijedlog Zakona o stečaju razmatra po hitnom postupku, usvojen je nakon dodatne prozivke predsjedavajućeg, sa 50 glasova za, osam glasova protiv i uz 30 uzdržanih glasova.

Sa 68 glasova za, jednim glasom protiv i uz tri uzdržana glasa, usvojen je sljedeći:

DNEVNI RED

1. Informacija Vlade Federacije BiH vezano za posljedice djelovanja epidemije koronavirusa Covid-19 na privredu i zdravstvo u FBiH,
2. Prijedlozi zaključaka koji proizilaze iz odluka Ustavnog suda BiH (AP 3683/20 i U-10/19) i presuda Ustavnog suda Federacije Bosne i Hercegovine (U-24/16 i U-16/18),
3. Prijedlog Zakona o stečaju – hitni postupak,
4. Prijedlog Zakona o dopunama Zakona o zaštiti od nasilja u porodici – skraćeni postupak,
5. Prijedlog Zakona o izmjenama i dopunama Zakona o privrednim društvima,
6. Prijedlog Zakona o izmjenama i dopunama Zakona o registraciji poslovnih subjekata u FBiH,
7. Prijedlog Zakona o izmjenama i dopunama Zakona o poljoprivrednim savjetodavnim službama,
8. Prijedlog Zakona o provođenju odluka sudova,
9. Nacrt Zakona o zaštiti uzbunjivača u Federaciji BiH, predlagач: Sabina Ćudić,

10. Prijedlog zaključaka o utvrđivanju Programa provođenja statističkih istraživanja od interesa za Federaciju BiH za period 2021.-2024. godina,
11. Prijedlog Odluke o nabavci prostorija za smještaj Federalnog ministarstva finansija – Porezna uprava FBiH u Tuzli, Orašju i Bosanskoj Krupi,
12. Prijedlog Odluke o prihvatanju zaduženja po sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama,
13. Prijedlog Odluke o prihvatanju zaduženja po Sporazumu o kreditnoj liniji (Makrofinansijska pomoć za Bosnu i Hercegovinu) između Evropske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca)
14. Izvještaj o izvršenju Budžeta Federalnog tužilaštva za 2019. godinu,
15. Dokument okvirnog Budžeta FBiH za period 2021.-2023.godina,
16. Izvještaj o zaduženju Federacije BiH po osnovu emisije (7Y) obveznica na dan 22.09.2020. godine,
17. Kvartalni izvještaj o dugu Q3/2020.,
18. Izvještaj o zaduženju Federacije BiH po osnovu emisije trezorskih zapisa (6M) na dan 17.11.2020. godine,
19. Usaglašavanje Prijedloga Zakona o dopunama Zakona o budžetima u FBiH,
20. Izjašnjenje o zaključcima Komisije za sigurnost vezano za situaciju uzrokovanu migrantskom krizom u FBiH,
21. Izbori i imenovanja.

1. Informacija Vlade Federacije BiH vezano za posljedice djelovanja epidemije koronavirusa Covid-19 na privredu i zdravstvo u FBiH,

Informaciju je dostvila Vlada FBiH.

Informaciju su razmatrala nadležna radna tijela i dostavila izvještaje.

Ispred Federalnog ministarstva zdravstva, obrazloženje je dala Snježana Bodnaruk.

Ispred Federalnog ministarstva okoliša i turizma obratila se Farida Cikotić.

Ispred Federalnog ministarstva poljoprivrede, vodoprivrede i šumarstva obrazlagao je Nijaz Brković.

Ispred Vlade Federacije BiH obrazlagala je ministrica Jelka Milićević.

U raspravi su učestvovali: Alma Kratina, Sabina Ćudić, Zlatko Ercegović, Albin Muslić, Amela Kuskunović, Mara Đukić, Mira Grgić, Hajrudin Žilić, Jasmina Zubić, Miomirka Melank, Dževad Adžem, Husein Rošić, Goran Akšamija, Adis Arapović, Adin Huremović, Delfa Dejanović, Mladen Bošković i Goran Čerkez.

Predstavnički dom primio je k znanju Informaciju Vlade Federacije BiH, vezano za posljedice djelovanja epidemije koronavirusa Covid-19 na privredu i zdravstvo u FBiH,

Irfan Čengić predložio je zaključke u vezi ove tačke dnevnog reda koji, nakon dodatne prozivke predsjedavajućeg nisu usvojeni (38 za, bez glasova protiv i 44 uzdržana glasa).

2. Prijedlozi zaključaka koji proizilaze iz odluka Ustavnog suda BiH (AP 3683/20 i U-10/19) i presuda Ustavnog suda Federacije Bosne i Hercegovine (U-24/16 i U-16/18),

Ispred Ustavne komisije dodatno obrazloženje dao je Ismet Osmanović.

Ispred Zakonodavno-pravne komisije obrazloženje je dao Albin Mulić.

U raspravi su učestvovali: Irfan Čengić i Adnan Efendić.

Predsjedavajući je pozvao zastupnike da se izjasne o prijedlozima zaključaka Ustavne komisije i Zakonodavno-pravne komisije.

Sa 68 glasova za, bez glasova protiv i bez uzdržanih glasova usvojeni su sljedeći:

ZAKLJUČCI

U vezi postupanja po Odluci Ustavnog suda BiH broj: AP-3683/20, donesenoj 22.12.2020.godine u predmetu apelacije E.Š. i ostalih protiv naredbi kriznih štabova Ministarstva zdravstva FBiH i Ministarstva zdravstva Kantona Sarajevo, kojom je Ustavni sud BiH utvrdio kršenje prava na privatni život, iz člana II/3.f Ustava BiH i člana 8.-Evropske konvencije za zaštitu ljudskih prava i osnovnih sloboda, zadužuje se Premijer FBiH da, u skladu sa svojim ustavnim ovlaštenjima i obavezama, osigura izvršenje ove Odluke na način da Vlada FBiH hitno poduzme aktivnosti i uskladi svoje djelovanje sa standardima iz člana II/3.f) Ustava Bosne i Hercegovine i člana 8. Evropske konvencije za zaštitu ljudskih prava i osnovnih sloboda, te standardima iz člana II/3.m) Ustava Bosne i Hercegovine i Protokola broj 4. uz Evropsku konvenciju za zaštitu ljudskih prava i osnovnih sloboda, kako su navedeni u ovoj Odluci, te da izradi predlog i uputi Parlamentu Federacije BiH na usvajanje sve potrebne zakonske propise kako bi krizni štabovi i zavodi za javno zdravstvo imali pravni okvir za djelovanje i donošenje mjera za zaštitu stanovništva u uslovima pandemije, a kojima ne bi ugrožavali osnovna ljudska prava građana Federacije.

Zadužuje se premijer Federacije BiH da osigura izvršenje presude u roku od 60 dana.

O Zaključku obavijestiti Ustavni sud BiH u roku od 15 dana kako je to propisano u stavu 3. izreke predmetne Odluke.

U vezi postupanja po odluci Ustavnog suda BiH broj: U-10/19, postupajući po apelaciji sudije općinskog suda u Cazinu u vezi usaglašavanja odredbe člana 69. st.3. i 4. Zakona o izvršnom postupku Federacije Bosne i Hercegovine („Službene novine Federacije BiH“, br: 32/03, 52/03, 33/06 39/09, 35/12 i 46/16 i „Službeni glasnik BiH 42/18), a uzimajući u obzir Obavijest Federalnog ministarstva pravde, zadužuje se premijer FBiH da što hitnije dostavi u parlamentarnu proceduru Prijedlog izmjena i dopuna Zakona o izvršnom postupku Federacije BiH koji sadrži i odredbe kojim se provodi odluka Ustavnog suda BiH broj: U-10/19, s obzirom da je Federalno ministarstvo pravde već dostavilo Nacrt zakona o izmjenama i dopunama Zakona o izvršnom postupku.

Zadužuje se premijer Federacije BiH da osigura izvršenje presude u roku od 60 dana.

Zadužuje se Vlada FBiH da urgentno uputi u parlamentarnu proceduru sve propise iz djelokruga Vlade FBiH, a koji su tretirani od strane Ustavnog suda BiH i Ustavnog suda FBiH gdje je pored ostaloga konstatirano da je došlo do povrede ustavnih odredbi naročito u vezi sa premisom da su konačne i obavezujuće.

3. Prijedlog Zakona o stečaju – hitni postupak,

Prijedlog Zakona utvrdila je Vlada FBiH.

Prijedlog Zakona razmatrala su naležna radna tijela i dostavila izvještaje.

Ispred Federalnog ministarstva pravde dodatno je obrazložila Mersiha Udovičić.

U raspravi su učestvovali: Alma Kratina, Jasmina Zubić, Elvir Karajbić, Albin Muslić, Mirsad Čamdžić, Ivica Pavković, Suad Kaknjo, Adnan Efendić, Dževad Adžem, Ibrahim Zukić i Hajrudin Žilić.

Data je pauza do 15.30.

Nakon pauze, prešlo se na tačku 4. dnevnog reda, jer Vlada FBiH još nije dostavila izjašnjenje na amandmane Prijedloga Zakona o stečaju.

4. Prijedlog zakona o dopunama Zakona o zaštiti od nasilja u porodici – skraćeni postupak

Prijedlog Zakona utvrdila je Vlada FBiH.

Prijedlog Zakona razmatrala su naležna radna tijela i dostavila izvještaje.

Ispred Komisije za zaštitu ljudskih prava i sloboda obrazlagala je Miomirka Melank.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne da li će se razmatrati po skraćenom postupku, a što je nakon dodatne prozivke predsjedavajućeg sa 66 glasova za, dva glasova protiv i uz dva uzdržana glasa usvojeno.

U raspravi su učestvovali: Alma Kratina, Miomirka Melank, Hajrudin Žilić i Mara Đukić.

Sa 67 glasova za, bez glasova protiv i uz jedan uzdržani glas, usvojen je Prijedlog zakona o dopunama Zakona o zaštiti od nasilja u porodici .

Komisija za zaštitu ljudskih prava i sloboda predložila je zaključak. Sa 55 glasova za, bez glasova protiv i uz četiri uzdržana glasa usvojen je sljedeći:

ZAKLJUČAK

Predstavnički dom Parlamenta FBiH traži da Federalno ministarstvo pravde, već za narednu sjednicu Predstavničkog doma Parlamenta FBiH pripremi i dostavi izmjene i dopune Krivičnog zakona, koje se tiču nasilja nad djecom i ženama, a u skladu sa Preporukama UN Komiteta za prava djeteta, preporukama Komiteta za eliminaciju diskriminacije prema ženama, UN Deklaracije o uklanjanju nasilja nad ženama, Lanzarote konvencije vijeća Evrope o zaštiti djece od seksualnog iskorištavanja i zlostrebe i Konvencije Vijeća Evrope o sprečavanju i borbi protiv nasilja nad ženama i nasilja u porodici.

Zastupnica Kenela Zuko predložila je zaključak. Sa 61 glasom za, bez glasova protiv i uz četiri uzdržana glasa usvojen je sljedeći:

ZAKLJUČAK

Predstavnički dom Parlamenta FBiH predlaže Vladi FBiH da izradi novi Zakon o zaštiti od nasilja u porodici u FBiH kojim bi se obuhvatio cijeli sistem zaštite žrtava nasilja.

5. Prijedlog Zakona o izmjenama i dopunama Zakona o privrednim društvima,

Prijedlog Zakona utvrdila je Vlada FBiH.

Prijedlog Zakona razmatrala su naležna radna tijela i dostavila izvještaje.

Ispred Vlade FBiH dodatno obrazloženje dala je Jasmina Pašić.

U raspravi je učestvovala Alma Kratina.

Sa 63 glasa za, bez glasova protiv i uz tri uzdržana glasa, usvojen je Prijedlog Zakona o izmjenama i dopunama Zakona o privrednim društvima.

6. Prijedlog Zakona o izmjenama i dopunama Zakona o registraciji poslovnih subjekata u FBiH

Prijedlog Zakona utvrdila je Vlada FBiH.

Prijedlog Zakona razmatrala su naležna radna tijela i dostavila izvještaje.

Predstavnik Vlade FBiH dao je dodatno obrazloženje.

Ispred Zakonodavno-pravne komisije obrazlagao je Albin Mulić.

U raspravi je učestvovala Jasmina Zubić.

Prešlo se na narednu tačku dnevnog reda, jer Vlada FBiH još nije dostavila izjašnjenje o amandmanima.

7. Prijedlog zakona o izmjenama i dopunama Zakona o poljoprivrednim savjetodavnim služama,

Prijedlog Zakona utvrdila je Vlada FBiH.

Prijedlog Zakona razmatrala su naležna radna tijela i dostavila izvještaje.

Ispred Vlade FBiH dodatno obrazloženje dao je ministar Šemsudin Dedić.

Ispred Odbora za poljoprivredu, vodoprivredu i šumarstvo, obrazlagao je Ahmed Džubur.

Na ovaj Prijedlog Zakona amandmane su podnijeli: Sanela Klarić (tri), Klub zastupnika HDZ-HNS (jedan).

U raspravi su učestvovali: Marijan Klaić, Sanela Klarić, Ahmed Džubur, Damir Maši i Mladen Bošković.

Prešlo se na rad po narednoj tački dnevnog reda, dok zastupnici ne dobiju izjašnjenje Vlade FBiH o amandmanima.

8. Prijedlog Zakona o provođenju odluka sudova,

Prijedlog Zakona utvrdila je Vlada FBiH.

Prijedlog Zakona razmatrala su naležna radna tijela i dostavila izvještaje.

Ispred Vlade FBiH dodatno obrazloženje dala je Melina Katana.

Ispred Zakonodavno-pravne komisije obrazlagao je Albin Mulić.

U raspravi su učestvovali: Albin Mulić, Delfa Dejanović, Amla Kratina, te ispred Vlade Meliha Katana.

Sa 55 glasova za, 12 glasova protiv i uz 12 uzdržanih glasova, usvojen je Prijedlog Zakona o provođenju odluka sudova.

Data je pauza do 18.00.

Nakon pauze prešlo se na izjašnjavanje o tačkama dnevnog reda, o kojima je Vlada FBiH dostavila izjašnjenje na amandmane.

3. Prijedlog Zakona o stečaju – hitni postupak,

Klub zastupnika SDPBiH predložio je 50 amandmana, koje Vlada FBiH nije prihvatila. Iz Kluba nisu tražili da se zastupnici izjašnjavanju, jer se nadaju da će ih Vlada FBiH razmotriti prilikom prvih izmjena Zakona. Amandmani Kluba zastupnika DF prihvaćeni su i postaju sastavni dio Prijedloga Zakona, amandmani:

Amandman I.: U članu 71. u stavu (2) tačka c) mijenja se i glasi: „Da nije navršilo 63 godine na dan imenovanja stečajnog upravnika“. Amandman II.: U članu 18. stav (2) mijenja se i glasi:

„(2) Ukoliko se stečajni postupak ne završi u roku od jedne, odnosno dvije godine, od dana otvaranja stečajni postupak će se nastaviti i može trajati najduže još jednu godinu, a o razlozima produženja roka stečajni sudija će obavijestiti predsjednika suda.“ Amandman III.: “U članu 76. stav (2) i stav (3) brišu se.“

Hajrudin Žilić nije tražio izjašnjenje zastupnika o amandmanu. Elvir Karajbić predložio je tri amandmana. Vlada FBiH prihvatila je amandman III.: “ U članu 76. stav (2) i stav (3) brišu se.“ Zastupnik Karajbić tražio je izjašnjenje o amandmanu I. koji nakon dodatne prozivke predsjedavajućeg nije usvojen (43 za, dva protiv i 27 uzdržanih glasova).

Sa 54 glasa za, 16 glasova protiv i uz pet uzdržanih glasova, usvojen je Prijedlog Zakona o stečaju.

6. Prijedlog Zakona o izmjenama i dopunama Zakona o registraciji poslovnih subjekata u FBiH

Zastupnica Jasmina Zubić predložila je 22 amandmana koje Vlada FBiH nije prihvatila. Zastupnica Zubić tražila je izjašnjenje o amandmanima: III., VI., VII., IX., XVI., XVII., i XX.

Amandman III., nakon dodatne prozivke predsjedavajućeg nije usvojen (34 za, jedan protiv i 42 uzdržana glasa). Amandman VI., nije usvojen (29 za, jedan protiv i 36 uzdržanih glasova). Amandman VII., nije usvojen (24 za, bez glasova protiv i 41 uzdržani glas). Amandman IX., nije usvojen (27 za, bez glasova protiv i 40 uzdržanih glasova). Amandman XVI., nije usvojen (28 za, bez glasova protiv i 36 uzdržanih glasova). Amandman XVII., nije usvojen (30 za, bez glasova protiv i 37 uzdržanih glasova). Amandman XX., nije usvojen (32 za, bez glasova protiv i 38 uzdržanih glasova).

Sa 56 glasova za, šest glasova protiv i uz sedam uzdržanih glasova, usvojen je Prijedlog Zakona o izmjenama i dopunama Zakona o registraciji poslovnih subjekata u FBiH.

7. Prijedlog zakona o izmjenama i dopunama Zakona o poljoprivrednim savjetodavnim službama,

Sanela Klarić odustala je od tri predložena amandmana. Klub zastupnika HDZ-HNS tražio je izjašnjenje o amandmanu koji nije usvojen (17 za, 23 protiv i 29 uzdržanih glasova).

Nakon dodatne prozivke predsjedavajućeg, sa 51 glasom za, 13 glasova protiv i 16 uzdržanih glasova, usvojen je Prijedlog zakona o izmjenama i dopunama Zakona o poljoprivrednim savjetodavnim službama.

Sanela Klarić predložila je zaključak u vezi ove tačke dnevnog reda, koji na osnovu dodane prozivke predsjedavajućeg nije usvojen (35 za, 10 protiv i 35 uzdržanih glasova).

9. Nacrt Zakona o zaštiti uzbunjivača u Federaciji BiH, predlagač: Sabina Ćudić,

Nacrt Zakona utvrdila je zastupnica Sabina Ćudić.

Nacrt Zakona razmatrala su nadležna radna tijela i dostvila izvještaje.

Vlada FBiH dostavila je negativno mišljenje na ovaj Nacrt.

Sabina Ćudić dala je dodatno obrazloženje.

Ispred Zakonodavno-pravne komisije obrazlagao je Albin Muslić.

U raspravi su učestvovali: Husein Rošić, Salko Zildžić, Irfan Čengić, Asim Kamber, Adnan Efendić, Lana Prlić, Adis Arapović, Damir Mašić i Sabina Ćudić.

Nakon glasanja, na osnovu dodatne prozivke predsjedavajućeg, nije usvojen Nacrt Zakona o zaštiti uzbunjivača u Federaciji BiH.

Klub zastupnika SDA predložio je zaključak. Na osnovu dodatne prozivke predsjedavajućeg, sa 58 glasova za, četiri glasa protiv i 14 uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH zadužuje Federalno ministarstvo pravde i Vladu FBiH da u parlamentarnu proceduru upute Nacrt Zakona o uzbunjivačima u skladu sa EU standardima i pravnim sistemom BiH.

Predsjedavajući je prekinuo rad sjednice u 19.53.

* * *

NASTAVAK 18. REDOVNE SJEDNICE PREDSTAVNIČKOG DOMA PARALMENTA FEDERACIJE BIH, održane 02.02.2021. godine

Online sjednica je počela u 9.57.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje

Prešlo se na aktuelni sat.

Zastupnička pitanja

Albin Muslić postavio je pitanje Federalnom ministarstvu zdravstva, kojim traži da se zastupnicima dostavi detaljna informacija o broju pribavljenih PCR testova u njihova distribucija po kantonima kao i da se prezentira broj testiranja po mjesecima i kantonima u protekloj 2020. godini, odnosno, na temelju kojih kriterija se vrši raspodjela testova prema kantonima u Federaciji BiH.

Jasmina Zubić imala je poslovničku intervenciju, vezanu za amandmane koje je podnio Klub zastupnika SDP i ona kao zastupnica na Prijedlog Zakona o stečaju i Prijedlog Zakona o izmjenama i dopunama Zakona o registraciji poslovnih subjekata, te pošto nije imala vremena da se osvrne na izjašnjenje Vlade o predloženim amandmanima, koje je došlo u toku trajanja sjednice, dala je komentar po ovom pitanju.

Amer Obradović kazao je da je šest inicijativa i dva pitanja uputio na protokol. Međutim akcentira jednu inicijativu, pokrenutu prema Federalnom zavodu za statistiku, kojom traži rješenje i prijedlog metodologije koji bi bili za ustpostavu federalnog razvojnog indeksa koji bi bio referentan za određivanje posebnih politika podrške lokalnim zajednicama u Federaciji BiH te bi bio temelj za donošenje Zakona o ravnomjernom razvoju u Federaciji BiH.

Ivan Boban pokrenuo je inicijativu za uspostavljanje zakonskog okvira za rad samozaposlenih osoba u Federaciji BiH. Kazao je da službe ovu inicijativu koju će proslijediti mailom, dostave zastupnicima.

Jasmina Zubić prvo pitanje uputila je ministarstvima u čijoj nadležnosti je pitanje socijalne zaštite u kantonima u Federaciji BiH – da li su u postojećem zakonu, gdje se uređuje pitanje socijalne zaštite, zaštite porodice s djecom na nivou kantona, djeca od 6 do 15 godina starosti, koja ne pohađaju obrazovni proces prepoznata kao korisnici prava na obavezno zdravstveno osiguranje kao samostalni osiguranici, ukoliko to pravo ne mogu da ostvare po nekom drugom zakonskom osnovu ili je to pravo ograničeno samo na djecu od rođenja do polaska u školu?

Naredno pitanje uputila je nadležnom ministarstvu i Autocestama Federacije BiH a vezano za neutrošena sredstva od 47 miliona u 2019. godini, a koja su bila namijenjena za projekte u 2020. godini, a u izvještaju stoji:“ da bi Ceste Federacije mogle da realizuju preloženi Program održavanja, rekonstrukcije, izgradnje i obnove magistralnih cesta neophodno je da Ministarstvo prometa i komunikacija i Ministarstvo finansija donesu određene odluke i uredbe“, pa pita – koje su to odluke i uredbe, da li su one do danas donesene i da li su nadležne institucije upoznate i jesu li im upućeni zahtjevi za donošenje istih?

Kazala je da je prije više od godinu pokrenula inicijativu prema Federalnom ministarstvu finansija da usklade odredbe članova 5. i 7. Pravilnika o uslovima za obavljanje poslova interne revizije u javnom sektoru u Federaciji, odgovor nije dobila i ponovo pokreće inicijativu.

Hajrudin Žilić izrazio je nezadovoljstvo odgovorom na inicijativu, koju je uputio Federalnom ministarstvu zdravstva, vezanu za uvrštavanje lijeka Helimbra na listu lijekova koji se finansiraju iz Fonda solidarnosti. Zamolio je Odbor za zdravstvo da razmotri ovu inicijativu i da je aktuelizira prema ministarstvu.

Meliha Bijedić uputila je inicijativu prema Elektroprivredi BiH, podružnica Elektrodistribucija Tuzla, kojim traži stabilno i kontinuirano snabdijevanje električnom energijom mjesnih zajednica Par Selo, Pasci i Ljubače, koji administrativno pripadaju Gradu Tuzla.

Adis Arapović pokrenuo je prema Vladi FBiH inicijativu da se uvede vizuelno označavanje službenih vozila u vlasništvu institucija organa vlasti Federacije BiH, te preduzeća u većinskom vlasništvu Vlade FBiH. Vozila trebaju biti obilježena uočljivim neljpicama ili numeracijom ili na neki drugi adekvatan način, donošenjem Pravilnika o vizuelnom označavanju službenih vozila u vlasništvu institucija organa vlasti u Federaciji BiH, te preduzeća u većinskom vlasništvu Vlade Federacije BiH. Ovaj Pravilnik treba biti donesen do 31.03.

Pitanje je uputio Vladi FBiH a vezano za učestalu pojavu da značajan broj rukovodilaca institucija, organa uprave, agencija, fondova, javnih preduzeća itd., čije imenovanje je u direktnoj ili indirektnoj nadležnosti Vlade FBiH bili imenovani kao tzv. vršioци dužnosti, traži od Vlade FBiH informaciju: koji su to rukovodeći u javnom sektoru čije imenovanje direktno ili indirektno vrši Vlada FBiH ili daje prethodnu saglasnost, kojima je regularni mandat istekao; Kada je pobrojanim rukovodiocima istekao mandat; Da li su i kada od nadležnog organa imenovani kao tzv. v.d. rukovodioci; Koji su to upravni i nadzorni odbori u javnom sektoru čije imenovanje direktno ili indirektno vrši Vlada, kojima je regularni mandat istekao a isti im je privremeno produžen u formi vršioca dužnosti ili nisu razrješeni uprkos isteku mandata?

Mira Grgić kazala je da nije dobila odgovor na pitanje postavljeno premijeru i njegovim zamjenicima, traži od predsjedavajućeg da postupi po članu 116. stav 4. Poslovnika.

Damir Mašić kazao je da je u proteklih godinu dana, od početka pandemije Covid -19 kantonima u Federaciji od strane Vlade FBiH uplaćeno preko dvije stotine miliona KM kao i općinama u Federaciji oko trideset miliona KM, te traži da se dostave podaci koliko je koji kanton sredstava dobio od Federacije za borbu protiv pandemije Covid-19, na šta su ta sredstva potrošena, koliko je koji kanton utrošio na poboljšanje zdravstvenog sistema, zdravstvene zaštite u brobi protiv pandemije Covid-19 a unutar tih sredstava koliko je svaki od kantona potrošio na nabavku prije svega terapije za Covid-19 kao i za nabavku testova.

Mirsad Pindžo pitanje je postavio Autocestama Federacije BiH, kojim traži da mu se dostave podaci o svim okončanim projektima dionica, poddionica autoceste, kao i onima koje se trenutno grade i zaključeni su ugovori i to kompletno podatke za troškove eksproprijacije, sveukupne troškove projekta, radove, idjene projekte, glavne projekte, nadzore, izvođače, rokove ugovorene i one koji su stvarno bili na terenu da bi dobili sveobuhvatnu sliku i poduzeli nešto da se ubrza ovaj proces koji ide sporo.

Dženana Hodžić pitanje je uputila prema Vladi FBiH a odnosi se na dugovanja po osnovu poreza i doprinosa javnih preduzeća gdje je Vlada FBiH većinski vlasnik. Misli na milionska dugovanja od strane rudnika i da li Vlada kao suvlasnik ima plan izmirenja ovih dugovanja, ukoliko ima kakav je to plan.

Alma Kratina pitanje je uputila vezano za utvrđivanje činjenice vezano za odnos Vlade prema zaključcima koje donosi Dom. Naime, već je isteklo 30 dana od zaključka

donesenog 29.12.2020. gdje je Vlada zadužena da zajedno sa Odborom za zdravstvo krene u pregovore za iznalaženje načina za nabavku dodatnih količina vakcine protiv Covid-19. Traži da joj Vlada odgovori da li je ostvarila kontakt sa Odborom za zdravstvo i postupila po usvojenom zaključku.

Drugo pitanje odnosi se na tumačenje člana 5. Zakona o zaštiti ličnih podataka.

Adin Huremović pitanje je uputio vezano za izjave Administrativnoj komisiji, a skoro je godina kako je nastala pandemija, te se sjednice održavaju online, smatra da naknade koje se isplaćuju za smještaj i odvojeni život i prijevoz da su nemoralne u ovakvim uvjetima i da li postoji zakonska osnova za isključivanje takvih izdataka. Smatra da se ne trebaju plaćati službeni smještaji dok je stanje pandemije. Ako se ovo nastavi, smatra da bi se zastupnici trebali odreći naknade za odvojeni život, barem dok ne prođe pandemija.

Drugo pitanje prema tehničkoj službi Parlamenta FBiH, gdje bi služba organizovala jednu radionicu sa temom Prijedloga amandmana na zakone, budući da amandmane koje podnose zastupnici uglavnom Vlada odbija, zbog tehničke neispravnosti.

Miralem Galijašević ponovio je pitanje koje je ranije postavio-kada će Vlada FBiH dostaviti u parlamentarnu proceduru Zakon o pripadnosti javnih prihoda u FBiH.

Nihad Čolpa postavio je pitanje – da li su Vlada FBiH ili Vijeće ministara BiH tražili mišljenje Evropske komisije, vezano za najavu zaključivanja ugovora sa proizvođačima koji nisu uključeni u Evropsku strategiju imunizacije stanovništva?

Senaid Begić pokrenuo je inicijativu za izmjene i dopune Zakona o doprinosima u dijelu uvezivanja obračuna doprinosa sa prosječnom plaćom u Federaciji BiH, odnosno da se doprinosi obrtnika vezuju za minimalnu plaću u FBiH a ne uz prosječnu bruto plaću.

Sanela Prašović - Gadžo pitanje je uputila Federalnoj radio televiziji, kojim traži da rukovodstvo Federalne radio televizije uputi Predstavničkom domu izvještaje o radu za 2018.,2019., i 2020. godinu. Poziva rukovodstvo Predstavničkog doma da pokrene proces imenovanja Upravnog odobora Federalne radio-televizije, te podsjetila da je mandat jednog preostalog člana Upravnog odbora istekao 10. juna, 2013. godine a mandat generalnog direktora u avgustu 2013. godine.

Dževad Adžem traži od Vlade FBiH spisak preduzeća u kojima je većinski vlasnik ili suvlasnik Vlada FBiH, koliko i koja preduzeća u kojima je Vlada većinski vlasnik ili suvlasnik imaju pozitivan bilans poslovanja; Koja preduzeća, javne ustanove, agencije, službe ili ministarstva u kojima Vlada FBiH većinski vlasnik ili suvlasnik je odgovorna za rad navedenih subjekata ima dugovanja po neuplaćenim porezima većim od 50 hiljada KM; Koja preduzeća Vlada FBiH planira privatizirati u nastavku procesa privatizacije; Koja sve preduzeća Vlada FBiH u pismu namjere još iz perioda kada je usvojena Reformska agenda namjerava privatizirati, odnosno na koja se obavezala da će ih privatizirati.

Nedžad Šečić prvo pitanje uputio je Cestama Federacije BiH, kojim traži odgovor dokle se došlo sa projektnom dokumentacijom za rekonstrukciju magistralne ceste M19 Ormanica – Gradačac i kada Ceste Federacije BiH planiraju izvršiti rekonstrukciju dijela magistralne ceste kada je u pitanju Općina Lukavac.

Ismet Osmanović prvo pitanje uputio je Federalnom ministarstvu pravde, vezano za notarsku službu u povodu usaglašavanja Zakona o notarskoj službi sa odlukama Ustavnog suda, te pita kada će se pokrenuti stvari sa mrtve tačke, kada će se riješiti pitanje notarskih naknada, onako kako je predloženo u Predstavničkom domu i kako će spriječiti sve veću privatizaciju notarske službe na način da se u notarsku službu zapošljava u najvećem procentu rodbina onih koji drže notarske urede.

Drugo pitanje vezano je za izvršavanje zatvorskih kazni - zakonom je predviđena mogućnost određene zatvorske kazne zamijeniti novčanom kaznom za krivična djela do godinu dana, te je u praksi to postala česta pojava. Upućuje zahtjev i sugestiju Federalnom ministarstvu pravde da izvrši analizu primjene takvih mjera i da preloži izmjene i dopune Zakona kad je u pitanju ova problematika.

Prešlo se na rad po tački 10. dnevnog reda.

10. Prijedlog zaključaka o utvrđivanju Programa provođenja statističkih istraživanja od interesa za Federaciju BiH za period 2021.-2024. godina,

Prijedlog Zaključka dostavila je Vlada FBiH.

Ispred Federalnog zavoda za statistiku obrazlagao je Emir Kremić.

Ispred Odbora za ekonomsku i finansijsku politiku obrazlagao je Husein Rošić.

U raspravi je učestvovao Hajrudin Žilić.

Sa 74 glasa za, bez glasova protiv i bez uzdržanih glasova, usvojen je Prijedlog zaključaka o utvrđivanju Programa provođenja statističkih istraživanja od interesa za Federaciju BiH za period 2021.-2024. godina.

11. Prijedlog Odluke o nabavci prostorija za smještaj Federalnog ministarstva finansija – Porezna uprava FBiH u Tuzli, Orašju i Bosanskoj Krupi,

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je ministrica Jelka Milićević.

U raspravi niko nije učestvovao.

Sa 63 glasa za, osam glasova protiv i uz dva uzdržana glasa, Predstavnički dom donio je Odluku o nabavci prostorija za smještaj Federalnog ministarstva finansija – Porezna uprava FBiH u Tuzli, Orašju i Bosanskoj Krupi.

12. Prijedlog Odluke o prihvatanju zaduženja po sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama,

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je ministrica Jelka Milićević.

U raspravi niko nije učestvovao.

Sa 67 glasova za, jednim glasom protiv i uz jedan uzdržani glas, Predstavnički dom donio je Odluku o prihvatanju zaduženja po sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama.

13. Prijedlog Odluke o prihvatanju zaduženja po Sporazumu o kreditnoj liniji (Makrofinansijska pomoć za Bosnu i Hercegovinu) između Evropske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca)

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je ministrica Jelka Milićević.

U raspravi niko nije učestvovao.

Sa 68 glasova za, tri glasa protiv i uz jedan uzdržani glas, Predstavnički dom donio je Odluku o prihvatanju zaduženja po Sporazumu o kreditnoj liniji (Makrofinansijska pomoć za Bosnu i Hercegovinu) između Evropske unije (kao

zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca).

14. Izvještaj o izvršenju Budžeta Federalnog tužilaštva za 2019. godinu,

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

Dodatno obrazloženje dala je Lidija Petric, sekretar Federalnog tužilaštva.

U raspravi su učestvovali: Lana Prlić, Jasmina Zubić, Dževad Adžema i Lidija Petric.

Predstavnički dom nije usvojio Izvještaj o izvršenju Budžeta Federalnog tužilaštva za 2019. godinu (36 glasova za, 16 glasova protiv i 18 uzdržanih glasova).

15. Dokument okvirnog Budžeta FBiH za period 2021.-2023.godina,

Dokument je dostavila Vlada FBiH.

Dokument su razmatrala nadležna radna tijela i dostavila izvještaje.

Ispred Vlade FBiH dodatno obrazloženje dala je ministrica Jelka Milićević.

U raspravi su učestvovali: Alma Kratina, Dževad Adžem, Sabina Ćudić, Miomirka Melank, te Jelka Milićević.

Predstavnički dom primio je k znanju Dokument okvirnog Budžeta FBiH za period 2021.-2023.godina.

Zastupnica Sabina Ćudić i zastupnik Dževad Adžem predložili su zaključak.

Sa 66 glasova za, jednim glasom protiv i uz 10 uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH upućuje urgenciju Domu naroda Parlamenta FBiH da hitno uvrsti u dnevni red sjednice Prijedlog Prostornog plana Federacije BiH za period 2008.-2028. godina

16. Izvještaj o zaduženju Federacije BiH po osnovu emisije (7Y) obveznica na dan 22.09.2020. godine,

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Izvještaj o zaduženju Federacije BiH po osnovu emisije (7Y) obveznica na dan 22.09.2020. godine.

17. Kvartalni izvještaj o dugu Q3/2020.,

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Kvartalni izvještaj o dugu Q3/2020.

18. Izvještaj o zaduženju Federacije BiH po osnovu emisije trezorskih zapisa (6M) na dan 17.11.2020. godine,

Izvještaj je dostavila Vlada FBiH.

Izveštaj su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Izveštaj o zaduženju Federacije BiH po osnovu emisije trezorskih zapisa (6M) na dan 17.11.2020. godine.

19. Usaglašavanje Prijedloga Zakona o dopunama Zakona o budžetima u FBiH,

Predstavnički dom Parlamenta Federacije BiH je na 17. sjednici (29.12.2020.) usvojio Prijedlog Zakona, uz jedan amandmana kojeg Vlada FBiH nije prihvatila, ali ga je Predstavnički dom izglasao. Amandman se odnosi na brisanje člana 2.

Dom naroda Parlamenta FBiH je na 8. sjednici (11.01.2021.) usvojio Prijedlog ovog Zakona u tekstu kako ga je predložila Vlada BiH.

Budući da Prijedlog Zakona nije usvojen u istovjetnom tekstu, potrebno ga je usaglasiti.

U raspravi su učestvovali: Lana Prlić, Irfan Čengić, Zijat Mušić, Damir Mašić, Ismet Osmanović i Mladen Bošković.

Predsjedavajući je pozvao zastupnike da se izjasne o Prijedlogu Zakona o budžetima, u tekstu kako ga je usvojio Dom naroda, a što nije usvojeno (16 za, 37 protiv i 22 uzdržana glasa), te će ovaj Prijedlog Zakona biti upućen Zajedničkoj komisiji za usaglašavanje tekstova zakona različito usvojenih u domovima Parlamenta FBiH.

20. Izjašnjenje o zaključcima Komsije za sigurnost vezano za situaciju uzrokovanu migrantskom krizom u FBiH,

Ova tačka dnevnog reda uvrštena je na prijedlog Komisije za sigurnost.

Damir Mašić, ispred Komisije dao je dodatno obrazloženje.

U raspravi su učestvovali: Marijan Klaić, Asim Kamber, Irfan Durić, Eldar Čomor, Husein Rošić, Albin Muslić, Hajrudin Žilić, Tašo Dacić, Sanela Prašović, Hamdija Adbić.

Predloženi su zaključci o kojima su se zastupnici izjašnjavali.

Sa 54 glasa za, osam glasova protiv i uz pet uzdržanih glasova, usvojeni su sljedeći:

ZAKLJUČCI

Predstavnički dom Parlamenta FBiH očekuje od sigurnosnih agencija na svim nivoima da uspostave učinkovit sistem koordinacije i usklade aktivnosti kontrole boravka i kretanja migranata.

Od svih policijskih agencija se zahtijeva da u okviru svojih nadležnosti pojačaju aktivnosti utvrđivanja identiteta migranata koje zateknu i kontrolišu na svojoj teritoriji.

Predstavnički dom Parlamenta FBiH od međunarodnih organizacija kao što su IOM i UNHCR, zahtijeva da kontejnere i opremu koji se nalaze u Biri, stave na raspolaganje nadležnim institucijama u Bosni i Hercegovini.

Predstavnički dom Parlamenta FBiH zahtijeva od nadležnih zakonodavnih organa na svim nivoima vlasti, da pristupe izmjenama zakonske legislative, koje bi omogućile adekvatnije i efikasnije postupanje u oblasti upravljanja migrantskom krizom.

Predstavnički dom Parlamenta FBiH traži hitno osiguravanje dodatnih i uslovnih smještajnih kapaciteta, odnosno privremenih prihvatnih centara u sredinama i teritorijama koje do sada nisu snosile teret migrantske krize.

Predstavnički dom Parlamenta FBiH poziva nadležne agencije u BiH da izvrše kontrolu svih novčanih tokova koji se odnose na transfere novca koji dolaze u BiH putem Western Uniona iz onih država iz kojih dolaze migranti koji borave u BiH.

21.Izbori i imenovanja

Po ovoj tački dnevnog reda nije bilo materijala za razmatranje.

Predsjedavajući je zaključio rad 18. redovne sjednice u 14.31.

Transkript i prijepis transkripta sjednice čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović